

睢州志總目

目錄

卷首

序 圖考 凡例

卷一

地里志

星野 疆域 土產 河患 山川 古蹟

卷二

建置志

沿革 城池 寨工 公署 街道 倉廩

學校 書院 社學 壇祀 寺觀

卷三

建置志

田賦 陵墓 風俗 隆賢 郵政

卷四

官師志

州官名宦 儒學名宦 署事 州官 學師

衛官

卷五

選舉志

舉人 進士 貢士 薦舉 封贈 恩蔭

武舉 武進士 例貢 監生

卷六

人物志

名臣 仕宦 正學 武功 義烈

卷七

人物志

孝子 隱逸 獨行 文苑 方技 仙釋

卷八

人物志

孝女 孝婦 烈女 烈婦 節婦

卷九

藝文志

記

卷十

藝文志

序辨說書啓引傳誌銘碑

表

卷十一

藝文志

詩

卷十二

存遺志

姓氏
封爵
遺事
災異
兵寇

續修睢州志卷之十

藝文志

序

睢州舊志序

明李孟賜

古者史各有志今天下郡邑志蓋亦踵前史郡國志
爲之凡山川疆域戶口田賦人材風俗之類悉紀述
其間因革顯晦之節有不同大約不出古史志藩籬
是一代之典章不可無者也我聖祖受天明命奄有
萬方洪武間已嘗詔修國志時當草創之初紀述尙

有敕遣文舉人王承勳亦著遣使采錄四方故使俾
就纂輯事方伊始體取上賓天順初睿宗復辟恩欲
繼成先志爰命儒臣取天下郡邑所上志參互考訂
會萃成編名曰一統志紀述視前獨備夫郡邑志所
以志一郡一邑之事一統志是又合天下郡邑而通
之爲志雖所載有詳略至其志古今事類之大小本
末未始不相因也然則郡邑志在今日亦爲要務可
容玩忽而不爲之意哉昔紫陽夫子守南康下車卽
尋訪郡志說者謂其知治體亦以見儒先君子蒞政

臨民規模自別非尋常庸俗者可同語也吾郡在秦
秋時爲襄牛地自秦開郡縣而名襄邑漢唐因之至
宋以在近畿升節度爲京東輔郡亦重地也獨慨建
炎南遷中原陸沈兵燹之餘而志不復存今之志雖
出國初纂輯然故實無考載亦疏略如春秋以承匡
爲子畏於匡之地以莊周係之人物事以訛傳尤爲
無謂成化乙巳予以給事中出使外番便道展省時
麻城喻公孔修以進士知州事因論及之累造予求
爲纂輯予竊惟郡之有志風化繫焉志失其錄則事

無紀述後將何徵是故職政者之責而士生其鄉於
邦之文獻亦有不容不究心者但念志猶史也古之
人才如江淹猶以作志爲難顧予謏聞寡識曷敢當
此以羗僭妄之譏特以孔修志在舉廢且於政教有
裨不得已勉以應之迺於公務餘閑檢閱舊志參以
史傳附以今之所聞訛者正之遺漏者補之瑣言鬼
說出於傳聞者削去之事有關於民風化理者據實
詳錄之一時名人文章詩詠併以書之其凡例本一
統尊時制也稿粗成編適予有出參湖藩之命孔修

未幾亦進秩南臺用是因循且懼蕪穢之詞不足以
傳稿藏故篋亦有年矣山陰徐公青言公雖累
致書以郡志未成爲請冀終其事取前所爲一閱之
愧多謬遺意不自慙亟欲再加稽索竄改爲年衰力
億竟亦未能也遂以原稿畀之以俟後之君子
續爲訂正時用發身賢科作郡綽有賢聲於此亦可
知其概云

重刻睢州舊志序

程應登

本州知州
上黨人

夫志有史道焉以彰往軌發幽光備觀省照勸戒範
今而型後也睢當杞宋之中土厚風淳代遠靈草
然爲兩河雄郡宜垂簡牒用侈文獻先是太司空南
岡李公威之顧歲久易湮事蹟多缺嘉靖壬子前守
獻山王公栻銳意增修開館延賓時則有若司訓袁
君天恩黃生建中安生行輩再編纂之稍甫成而王
以事去竟東高閣流入胥史歲壬戌予奉命來牧慮
無以周知土俗民情乃取郡志讀之則見其三豕之

訛郢書之誤斑然刺目謀諸博士郎君雨溪李君西
村曲君栗齋劉君仰峯咸曰此飲興也幸公卒成之
乃積誠肅幣卜吉踵門請於侍從李君雨臺主政徐
君近恆大行魯君惺庵鄉進士孫君長國吳君文川
孫君恆野蔡君雁峯許諸焉於是研精博思旁搜逖
覽復取二十一史翻閱之得其人其事若干視舊事
加十之七首之以圖考終之以藝文上而天文下而
形勢大而綱紀風俗小而交際物產而神祇陵墓
明而官師人物戶口之增減錢穀之耗宏綱巨目

燦乎畢備編成來示且丐予序予曰事有興廢時有
顯晦神而明之存乎其人顧茲志百年曠典一旦成
之我有司借是可顯於匪極矣矧復序諸首簡則名
珠玉其榮幸又當何如耶昔人云言之不文行之不
遠茲志也彰善癉惡簡從南史公是公非筆微麟經
觀紙上之錯陳雅識作者之微意其端固多其大約
不過致謹於二者而已一日官師夫人存政舉政善
人安官師得人刑罰清奸弊絕家給人足風淳俗美
風雨時百穀登災疹不生禍亂不萌不假城池而自

固不煩武衛而自威由前所載科條犁然具有成績
苟非其人亦徒陳迹而已是故甘棠樹思岷山墮淚
一敗其常口碑不磨君子致察乎此可以知

此下疑

有闕文

凡生茲土者世代雖遠嘉言善行孰非我師

乎誠如是則山川之效靈風氣之蘊釀且借此以生
光矣然則是舉也不惟可以彰往示來抑可知師世
範俗於睢顧無補哉計經始以及訖工幾五閱月而
梓人告成事兩臺名一經近恆名養新麗唐名邦彥
長岡名城文川名宗堯恆野名科雁臺名崇俊俱惟

問人

卷之六

六

易

六

六